



PROGRAM
SUFINANCIRANJA SAMOZAPOŠLJAVANJA – START UP 2022

Sarajevo, februara/veljače 2022. godine

SADRŽAJ

1. Osnov za donošenje, izvor finansiranja i nosioci realizacije Programa	3
2. Cilj Programa.....	3
3. Ciljna grupa.....	3
4. Način sufinanciranja.....	3
5. Poticajne mjere	4
5.1. <i>Poduzetništvo za mlade 2022</i>	4
5.2. <i>Poduzetništvo za žene 2022</i>	4
5.3. <i>Poduzetništvo za sve 2022</i>	5
5.4. <i>Poduzetništvo za demobilizirane branioce/branitelje 2022</i>	5
5.5. <i>Druga prilika 2022</i>	6
6. Raspodjela sredstava za realizaciju Programa	6
7. Priprema za realizaciju Programa	8
8. Javni poziv.....	8
9. Registracija fizičkih osoba	9
10. Prijava na javni poziv/podnošenje zahtjeva službi	9
11. Provjera podataka i potpisivanje ugovora sa korisnicima sredstava.....	10
12. Pravdanje i isplata odobrenih sredstava	11
13. Opće napomene.....	11
14. Kontrola i praćenje izvršenja ugovornih obaveza	12
15. Indikatori za praćenje realizacije (monitoring) i ocjenu uspješnosti efekata mjera (evaluaciju)	13

1. Osnov za donošenje, izvor finansiranja i nosioci realizacije Programa

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH, ciljevima iz Programa rada Federalnog zavoda za zapošljavanje za 2022. godinu i Trogodišnjeg plana rada Federalnog zavoda za zapošljavanje 2022-2024, sačinjen je Program sufinansiranja samozapošljavanja Start up 2022 (u daljem tekstu: Program).

Za realizaciju Programa predviđena su sredstva u iznosu od **16.000.000 KM** u skladu sa Finansijskim planom za 2022. i procjenom za 2023. i 2024. godinu.

Federalni zavod za zapošljavanje (u daljem tekstu: Zavod) realizira Program u saradnji sa kantonalnim/županijskim službama za zapošljavanje (u daljem tekstu: Služba/službe).

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

2. Cilj Programa

Poticanje najmanje **2.500** osoba sa evidencije nezaposlenih u Federaciji BiH na samozapošljavanje, pokretanjem djelatnosti/društva, kao i na zapošljavanje drugih osoba sa evidencije nezaposlenih u pokrenutim djelatnostima.

3. Ciljna grupa

Ciljna grupa su osobe, prijavljene na evidenciju nezaposlenih u Federaciji BiH prije dana objave javnog poziva, bez obzira na stepen obrazovanja i starosnu dob, a koje će nakon prijave na Javni poziv registrirati i održati djelatnost/društvo u trajanju od najmanje 12 mjeseci.

U Programu ne mogu učestvovati osobe koje su po Javnom pozivu iz **2019., 2020. i 2021.** godine koristile poticajna sredstva iz mjera za pokretanje samostalne djelatnosti/društva, u čijoj realizaciji su učestvovali Zavod/službe, kao ni osobe koje su odjavile djelatnost/društvo u periodu od šest (6) mjeseci prije objave Javnog poziva za učešće u ovom programu.

4. Način sufinansiranja

Programom je predviđeno sufinansiranje troškova doprinosa, a u slučaju da je iznos sufinansiranja veći od troškova doprinosa, ostatak iznosa sufinansiranja se koristi za isplatu dijela neto plaće.

Zavod poslodavcu, po dostavljenom pravdanju, refundira određeni iznos koji je definiran svakom mjerom zasebno.

Osnovni iznos sufinansiranja zapošljavanja u svim mjerama se bez kumulativnog zbrajanja povećava za 10% za sljedeće kategorije nezaposlenih osoba:

- osobe sa invaliditetom, kao i radno sposobne osobe sa lakom i umjerenom retardacijom (dokaz - uvjerenje instituta za medicinsko vještačenje),
- članovi šehidskih porodica ili porodica poginulih branitelja (dokaz -uvjerenje BIZ-a ili drugi relevantan dokaz),
- nezaposleni demobilizirani borci/razvojačeni branitelji (dokaz - relevantna dokumentacija) – ne primjenjuje se na mjeru Poduzetništvo za demobilizirane branioc/branitelje 2022,
- djeca nezaposlenih demobiliziranih boraca/razvojačenih branitelja (dokaz - uvjerenje BIZ-a),

- djeca i supružnici osoba s invaliditetom od 60% i više (dokaz - uvjerenje općine),
- članovi domaćinstva u kojem ni jedan član nije zaposlen (dokaz - uvjerenje općine i uvjerenje biroa za zapošljavanje),
- Romi (dokaz - ovjerena izjava o pripadnosti romskoj nacionalnoj manjini),
- samohrani roditelji, staratelji i hranitelji i njihove djece (dokaz - uvjerenje centra za socijalni rad),
- roditelji djeteta sa posebnim potrebama i roditelji teško bolesne djece (dokaz - uvjerenje centra za socijalni rad, druga relevantna dokumentacija),
- žrtve nasilja, žrtve nasilja u obitelji i djeca žrtava nasilja, civilne žrtve rata i dr. (dokaz - uvjerenje centra za socijalni rad, MUP-a, suda, te sigurne kuće),
- liječeni ovisnici (dokaz - uvjerenje specijalizirane medicinske ustanove, uvjerenje komune),
- bivši štíćenici doma za nezbrinutu djecu (dokaz - uvjerenje doma za nezbrinutu djecu, uvjerenje centra za socijalni rad).

5. Poticajne mjere

5.1. Poduzetništvo za mlade 2022

Sufinansiranje samozapošljavanja mladih, dobi do 30 godina, bez obzira na spol, radno iskustvo i stepen obrazovanja, prijavljenih na evidenciju nezaposlenih prije dana objave javnog poziva/aktiviranja liste na čekanju, radi pokretanja i registracije obrta/privrednog društva.

Zavod će mladim, tj. korisnicima sredstava, sa kojima se zaključi ugovor o sufinansiranju samozapošljavanja, bez obzira na vrstu djelatnosti/društvo, u narednih 12 mjeseci isplaćivati poticajna sredstva u iznosu od 550 KM (mjesečno).

Navedeni iznos se uvećava za dodatnih 35 KM mjesečno na ime refundacije dijela troškova pokretanja djelatnosti/društva.

Ukoliko korisnik u okviru pokrenute djelatnosti/društva, osim sebe zaposli i neku drugu osobu, prijavljenu na evidenciju nezaposlenih prije dana objave javnog poziva/aktiviranja liste na čekanju, mjesečno će mu se isplaćivati/refundirati sredstva u iznosu od po 440 KM po svakoj zaposlenoj osobi, bez obzira na dob, radno iskustvo i stepen obrazovanja u trajanju od šest (6) mjeseci.

U ovoj mjeri mogu sudjelovati samo osobe koje na dan objave javnog poziva nemaju navršениh 30 godina života.

Za realizaciju ovu mjere predviđena su sredstva u iznosu od **4.000.000,00 KM**.

5.2. Poduzetništvo za žene 2022

Sufinansiranje samozapošljavanja žena, bez obzira na dob, radno iskustvo i stepen obrazovanja, prijavljenih na evidenciju nezaposlenih prije dana objave javnog poziva/aktiviranja liste na čekanju, radi pokretanja i registracije obrta/privrednog društva.

Zavod će korisnicama sredstava, sa kojima se zaključi ugovor o sufinansiranju samozapošljavanja, bez obzira na vrstu djelatnosti/društvo, u narednih 12 mjeseci isplaćivati poticajna sredstva u iznosu od 500 KM (mjesečno).

Navedeni iznos se uvećava za dodatnih 35 KM mjesečno na ime refundacije dijela troškova pokretanja djelatnosti/društva.

Ukoliko korisnik u okviru pokrenute djelatnosti/društva, osim sebe zaposli i neku drugu osobu, prijavljenu na evidenciju nezaposlenih prije dana objave javnog poziva/aktiviranja liste na čekanju, mjesečno će mu se isplaćivati/refundirati sredstva u iznosu od po 440 KM po svakoj zaposlenoj osobi, bez obzira na dob, radno iskustvo i stepen obrazovanja u trajanju od šest (6) mjeseci.

Za realizaciju ovu mjere predviđena su sredstva u iznosu od **3.000.000,00 KM**.

5.3. Poduzetništvo za sve 2022

Sufinansiranje samozapošljavanja osoba, bez obzira na spol, dob, radno iskustvo i stepen obrazovanja, prijavljenih na evidenciju nezaposlenih prije dana objave javnog poziva/aktiviranja liste na čekanju, radi pokretanja i registracije obrta/privrednog društva.

Zavod će nezaposlenim osobama, tj. korisnicima sredstava, sa kojima se zaključi ugovor o sufinansiranju samozapošljavanja, bez obzira na vrstu djelatnosti/društvo, u narednih 12 mjeseci isplaćivati poticajna sredstva 470 KM (mjesečno).

Navedeni iznos se uvećava za dodatnih 35 KM mjesečno na ime refundacije dijela troškova pokretanja djelatnosti/društva.

Ukoliko korisnik u okviru pokrenute djelatnosti/društva, osim sebe zaposli i neku drugu osobu, prijavljenu na evidenciju nezaposlenih prije dana objave javnog poziva/aktiviranja liste na čekanju, mjesečno će mu se isplaćivati/refundirati sredstva u iznosu od po 440 KM po svakoj zaposlenoj osobi, bez obzira na dob, radno iskustvo i stepen obrazovanja u trajanju od šest (6) mjeseci.

Za realizaciju ovu mjere predviđena su sredstva u iznosu od **5.500.000,00 KM**.

5.4. Poduzetništvo za demobilizirane branioce/branitelje 2022

Sufinansiranje samozapošljavanja osoba, u skladu sa članom 2. Zakona o pravima demobiliziranih branilaca i članova njihovih porodica („Službene novine Federacije BiH“, broj 54/19), i to demobiliziranih branilaca/branitelja i demobiliziranih branilaca/branitelja dobrovoljaca, bez obzira na spol, dob, radno iskustvo i stepen obrazovanja, prijavljenih na evidenciju nezaposlenih prije dana objave javnog poziva/aktiviranja liste na čekanju, radi pokretanja i registracije obrta/privrednog društva.

Zavod će nezaposlenim osobama, tj. korisnicima sredstava, sa kojima se zaključi ugovor o sufinansiranju samozapošljavanja, bez obzira na vrstu djelatnosti/društvo, u narednih 12 mjeseci isplaćivati poticajna sredstva 500 KM mjesečno za demobilizirane branioce/branitelje, odnosno 550 KM mjesečno za demobilizirane branioce/branitelje dobrovoljce koji su kao maloljetni dobrovoljno stupili u oružane snage u periodu od 18.9.1991. godine do 22.4.1996. godine (član 2. stav 2. Zakona o pravima demobiliziranih branilaca i članova njihovih porodica).

Navedeni iznos se uvećava za dodatnih 35 KM mjesečno na ime refundacije dijela troškova pokretanja djelatnosti/društva.

Ukoliko korisnik u okviru pokrenute djelatnosti/društva, osim sebe zaposli i neku drugu osobu, prijavljenu na evidenciju nezaposlenih prije dana objave javnog poziva/aktiviranja liste na čekanju, mjesečno će mu se isplaćivati/refundirati sredstva u iznosu od po 440 KM po svakoj zaposlenoj osobi, bez obzira na dob, radno iskustvo i stepen obrazovanja u trajanju od šest (6) mjeseci.

Za realizaciju ovu mjere predviđena su sredstva u iznosu od **500.000,00 KM**.

5.5. Druga prilika 2022

Mjera podrazumjeva sufinansiranje samozapošljavanja osoba, bez obzira na spol, dob, radno iskustvo i stepen obrazovanja.

Mjesečni iznos sufinansiranja samozapošljavanja po jednoj osobi je 500 KM, a period sufinansiranja je 12 mjeseci.

Navedeni iznos se uvećava za dodatnih 35 KM mjesečno na ime refundacije dijela troškova pokretanja djelatnosti/društva.

Za mjeru „Druga prilika 2022“, nezaposlena osoba/aplikant se direktno prijavljuje Službi, podnošenjem popunjenog Obrasca prijave – Druga prilika (Obrazac DP), koji je dostupan na web portalu: www.fzzz.ba i u Službi, putem redovne pošte ili lično.

Nezaposlena osoba/aplikant mora biti prijavljena na evidenciji nezaposlenih minimalno dan prije podnošenja Obrasca prijave – Druga prilika (Obrazac DP).

Krajni rok za zaključenje ugovora od strane svih potpisnika, po ovoj mjeri, je 01.12. kalendarske godine.

Dinamiku realizacije mjere i specifične kriterije koji se odnose na sufinansiranje samozapošljavanja po ovoj mjeri utvrđuje svaka Služba za sebe.

Za realizaciju ovu mjere predviđena su sredstva u iznosu od **3.000.000,00 KM**.

6. Raspodjela sredstava za realizaciju Programa

Tabela 1: Okvirna raspodjela sredstava po kantonima za sve mjere

KANTON/ŽUPANIJA	Nezaposlene osobe (30.11.2021.)	70% prema broju nezaposlenih	30% linearno	UKUPNO
1. Unsko-sanski	32.974	1.224.852,00	480.000,00	1.704.852,00
2. Posavski	4.035	149.884,08	480.000,00	629.884,08
3. Tuzlanski	70.762	2.628.524,81	480.000,00	3.108.524,81
4. Zeničko-dobojski	52.685	1.957.036,68	480.000,00	2.437.036,68
5. Bosansko-podrinjski	3.189	118.458,57	480.000,00	598.458,57
6. Srednjobosanski	32.753	1.216.642,73	480.000,00	1.696.642,73
7. Hercegovačko-neretvanski	29.802	1.107.024,90	480.000,00	1.587.024,90
8. Zapadnohercegovački	10.795	400.991,00	480.000,00	880.991,00
9. Kanton Sarajevo	58.403	2.169.437,47	480.000,00	2.649.437,47
10. Kanton 10	6.115	227.147,75	480.000,00	707.147,75
UKUPNO	301.513	11.200.000	4.800.000	16.000.000

Tabela 2: Raspodjela sredstava po kantonima za mjeru: Poduzetništvo za mlade 2022

KANTON/ŽUPANIJA	Nezaposlene osobe (30.11.2021.)	70% prema broju nezaposlenih	30% linearno	UKUPNO
1. Unsko-sanski	32.974	306.213,00	120.000,00	426.213,00
2. Posavski	4.035	37.471,02	120.000,00	157.471,02
3. Tuzlanski	70.762	657.131,20	120.000,00	777.131,20
4. Zeničko-dobojski	52.685	489.259,17	120.000,00	609.259,17
5. Bosansko-podrinjski	3.189	29.614,64	120.000,00	149.614,64
6. Srednjobosanski	32.753	304.160,68	120.000,00	424.160,68
7. Hercegovačko-neretvanski	29.802	276.756,23	120.000,00	396.756,23

8. Zapadnohercegovački	10.795	100.247,75	120.000,00	220.247,75
9. Kanton Sarajevo	58.403	542.359,37	120.000,00	662.359,37
10. Kanton 10	6.115	56.786,94	120.000,00	176.786,94
UKUPNO	301.513	2.800.000	1.200.000	4.000.000

Tabela 3: Raspodjela sredstava po kantonima za mjeru: Poduzetništvo za žene 2022

KANTON/ŽUPANIJA	Nezaposlene osobe (30.11.2021.)	70% prema broju nezaposlenih	30% linearno	UKUPNO
1. Unsko-sanski	32.974	229.659,75	90.000,00	319.659,75
2. Posavski	4.035	28.103,27	90.000,00	118.103,27
3. Tuzlanski	70.762	492.848,40	90.000,00	582.848,40
4. Zeničko-dobojski	52.685	366.944,38	90.000,00	456.944,38
5. Bosansko-podrinjski	3.189	22.210,98	90.000,00	112.210,98
6. Srednjobosanski	32.753	228.120,51	90.000,00	318.120,51
7. Hercegovačko-neretvanski	29.802	207.567,17	90.000,00	297.567,17
8. Zapadnohercegovački	10.795	75.185,81	90.000,00	165.185,81
9. Kanton Sarajevo	58.403	406.769,53	90.000,00	496.769,53
10. Kanton 10	6.115	42.590,20	90.000,00	132.590,20
UKUPNO	301.513	2.100.000	900.000	3.000.000

Tabela 4: Raspodjela sredstava po kantonima za mjeru: Poduzetništvo za sve 2022

KANTON/ŽUPANIJA	Nezaposlene osobe (30.11.2021.)	Osnov za obračun	Udio/učešće (%)	UKUPNO
1. Unsko-sanski	32.974	421.042,87	165.000,00	586.042,87
2. Posavski	4.035	51.522,65	165.000,00	216.522,65
3. Tuzlanski	70.762	903.555,40	165.000,00	1.068.555,40
4. Zeničko-dobojski	52.685	672.731,36	165.000,00	837.731,36
5. Bosansko-podrinjski	3.189	40.720,13	165.000,00	205.720,13
6. Srednjobosanski	32.753	418.220,94	165.000,00	583.220,94
7. Hercegovačko-neretvanski	29.802	380.539,81	165.000,00	545.539,81
8. Zapadnohercegovački	10.795	137.840,66	165.000,00	302.840,66
9. Kanton Sarajevo	58.403	745.744,13	165.000,00	910.744,13
10. Kanton 10	6.115	78.082,04	165.000,00	243.082,04
UKUPNO	301.513	3.850.000	1.650.000	5.500.000

Tabela 5: Raspodjela sredstava po kantonima za mjeru: Poduzetništvo za demobilizirane branioce/branitelje 2022

KANTON/ŽUPANIJA	Nezaposlene osobe (30.11.2021.)	70% prema broju nezaposlenih	30% linearno	UKUPNO
1. Unsko-sanski	32.974	38.276,62	15.000,00	53.276,62
2. Posavski	4.035	4.683,88	15.000,00	19.683,88
3. Tuzlanski	70.762	82.141,40	15.000,00	97.141,40
4. Zeničko-dobojski	52.685	61.157,40	15.000,00	76.157,40
5. Bosansko-podrinjski	3.189	3.701,83	15.000,00	18.701,83

6. Srednjobosanski	32.753	38.020,09	15.000,00	53.020,09
7. Hercegovačko-neretvanski	29.802	34.594,53	15.000,00	49.594,53
8. Zapadnohercegovački	10.795	12.530,97	15.000,00	27.530,97
9. Kanton Sarajevo	58.403	67.794,92	15.000,00	82.794,92
10. Kanton 10	6.115	7.098,37	15.000,00	22.098,37
UKUPNO	301.513	350.000	150.000	500.000

Tabela 6: Raspodjela sredstava po kantonima za mjeru: Druga prilika 2022

KANTON/ŽUPANIJA	Nezaposlene osobe (30.11.2021.)	Osnov za obračun	Udio/učešće (%)	UKUPNO
1. Unsko-sanski	32.974	229.659,75	90.000,00	319.659,75
2. Posavski	4.035	28.103,27	90.000,00	118.103,27
3. Tuzlanski	70.762	492.848,40	90.000,00	582.848,40
4. Zeničko-dobojski	52.685	366.944,38	90.000,00	456.944,38
5. Bosansko-podrinjski	3.189	22.210,98	90.000,00	112.210,98
6. Srednjobosanski	32.753	228.120,51	90.000,00	318.120,51
7. Hercegovačko-neretvanski	29.802	207.567,17	90.000,00	297.567,17
8. Zapadnohercegovački	10.795	75.185,81	90.000,00	165.185,81
9. Kanton Sarajevo	58.403	406.769,53	90.000,00	496.769,53
10. Kanton 10	6.115	42.590,20	90.000,00	132.590,20
UKUPNO	301.513	2.100.000	900.000	3.000.000

Zavod će, zavisno od stanja i potreba na tržištu rada, odlučivati o eventualno neutrošenim sredstvima tokom realizacije Programa, odnosno njihovoj relokaciji unutar jednog programa, te relokaciji iz jednog programa u drugi, a u skladu sa iskazanim potrebama kantona/županija.

7. Priprema za realizaciju Programa

U okviru pripreme faze Programa, Zavod:

- informira javnost o Programu najkasnije 10 dana prije objave Javnog poziva putem web portala Zavoda, putem Ureda Vlade Federacije Bosne i Hercegovine za odnose s javnošću, a po potrebi i putem drugih sredstava javnog informiranja
- izrađuje obrasce ugovora i izvještaja o plaćanju,
- obezbjeđuje softversku aplikaciju za prijavu na Javni poziv,
- potpisuje sa službama Sporazum o međusobnoj saradnji o realizaciji Programa.

8. Javni poziv

Zavod objavljuje Javni poziv za učešće u Programu putem web portala: www.fzzz.ba izuzev za mjeru Druga prilika 2022 koja se realizira podnošenjem zahtjeva Službi.

Javni poziv ostaje otvoren tri (3) radna dana.

Nezaposlene osobe/aplikanti se tokom trajanja poziva mogu prijavljivati svaki radni dan u periodu od 8,00 do 16,00 sati.

Zavod odlučuje o datumu objave i visini finansijskih sredstava za svaki Javni poziv.

Upravni odbor Zavoda će u toku realizacije, a zavisno od stanja i potreba na tržištu rada odlučivati o eventualnim promjenama iz ovog programa.

Osnovne informacije o postupcima, proceduri i aktivnostima iz Programa, korisnici Programa dobivaju na portalu, te putem telefona i e-maila u službama i Zavodu.

9. Registracija fizičkih osoba

Registracija fizičkih osoba je preduvjet za sudjelovanje istih na javnom pozivu, a koja se mora izvršiti prije podnošenja prijave za sudjelovanje u istom. Fizičke osobe se registriraju putem linka na web portalu Zavoda: www.fzzz.ba. Prilikom registracije fizička osoba unosi tražene podatke iz obrasca registracije koji se odnose na ime i prezime, matični broj, adresa prebivališta, broj telefona/mobitela, e-mail adresu, korisničko ime i lozinku i ostale podatke koji se traže u obrascu.

Registraciju je moguće izvršiti najkasnije 8 dana prije objave javnog poziva.

Nakon izvršene registracije, fizička osoba na svoju e-mail adresu dobiva automatski generiran e-mail koji sadrži link odabirom kojeg fizička osoba potvrđuje svoju registraciju. Nakon unosa traženih podataka korisnici će putem e-maila biti obaviješteni da proces registracije završen.

Po uspješno okončanoj registraciji, fizička osoba ubuduće pristupa web portalu Zavoda koristeći korisničko ime i lozinku koje je sama odredila prilikom registracije.

Fizička osoba koja se registrirala na portalu Zavoda se prijavljuje na javni poziv koristeći svoje korisničko ime i lozinku.

10. Prijava na javni poziv/podnošenje zahtjeva službi

Nezaposlena osoba/aplikant se prijavljuje za učešće u Programu odabirom linka na web portalu Zavoda: www.fzzz.ba. Prethodno se mora prijaviti na web portalu Zavoda koristeći prethodno dodijeljeno korisničko ime i lozinku koje je sam odredio prilikom registracije na portalu Zavoda.

Nezaposlena osoba/aplikant se opredjeljuje za odgovarajuću mjeru, nakon čega u obrazac prijave unosi tražene/potrebne podatke. Nezaposlena osoba/aplikant može podnijeti zahtjev za sufinansiranje najviše 20 osoba sa evidencije nezaposlenih, po svakom objavljenom javnom pozivu. U slučaju da se u prijavi navede veći broj osoba od prethodno definiranog, takav zahtjev neće biti prihvaćen, te se nezaposlena osoba/aplikant obavještava o potrebi izmjene takve prijave.

Za mjeru „Druga prilika 2022“, nezaposlena osoba/aplikant se direktno prijavljuje Službi, podnošenjem popunjenog Obrasca prijave – Druga prilika (Obrazac DP), koji je dostupan na web portalu: www.fzzz.ba i u Službi, putem redovne pošte ili lično.

Prijave na javni poziv se evidentiraju, u realnom vremenu, na web portalu Zavoda po datumu i vremenu podnošenja istih. Sve prijave će, sukladno pravilima Programa, biti provjerene.

Po okončanom postupku prijave, nezaposlena osoba/aplikant dobija link odabirom kojeg se pojavljuje popunjen obrazac prijave kojeg je nezaposlena osoba/aplikant dužna isprintati. Nakon navedenog nezaposlena osoba/aplikant je u obavezi provjeriti svoju kvalificiranost za učešće u Programu u nadležnoj Službi.

Nakon što je Služba provjerom utvrdila koje su od prijavljenih nezaposlenih osoba/aplikanata kvalificirane za učešće u Programu, informacija o istim će se učiniti

dostupnom Zavodu, te Služba poziva nezaposlenu osobu/aplikanta da u roku od 60 dana od dana obavještenja, dostavi potrebnu dokumentaciju za zaključivanje ugovora o sufinansiranju samozapošljavanja do utroška raspoloživih sredstava utvrđenih budžetom za taj poziv.

U slučaju da nema dovoljno sredstava po određenom zahtjevu iz prijave, prijava se zaprima sukladno visini raspoloživih sredstava u trenutku podnošenja prijave, odnosno, prijava će biti zaprimljena za onaj broj nezaposlenih osoba za čije sufinansiranje u trenutku podnošenja prijave ima dovoljno raspoloživih sredstava.

Nezaposlene osobe/aplikanti koje su se prijavile na javni poziv, a za čiju realizaciju prijave nije bilo trenutno raspoloživih sredstava uvrštavaju se na listu čekanja (status: na čekanju). Ukoliko je provjerom od strane Službe utvrđeno da ispunjavanju uvjete programa, iste će biti pozvane na zaključivanje ugovora, u slučaju odustajanja neke od nezaposlenih osoba/aplikanata, za one mjere i kantone gdje su se sredstva učinila raspoloživim. Ukoliko je nezaposlena osoba/aplikant, dok je bila na listi čekanja, registrirala djelatnost/društvo, u rokovima određenim Programom (60 dana od dana objave javnog poziva), priznat će joj se pravo na zaključenje ugovora, u slučaju oslobađanja sredstava.

Obračun eventualno raspoloživih sredstava za nezaposlene osobe/aplikante na listi čekanja će se ažurirati u skladu sa raspoloživim sredstvima.

11. Provjera podataka i potpisivanje ugovora sa korisnicima sredstava

Služba provjerava kvalificiranost nezaposlene osobe/aplikanta za učešće u Programu (status nezaposlenosti, ranije učešće u projektima samozapošljavanja, odjava samostalne djelatnosti/privrednog društva).

Nakon što je Služba provjerom utvrdila koje su od prijavljenih nezaposlenih osoba/aplikanata kvalificirane za učešće u Programu, Služba će Zavodu učiniti dostupnom informaciju o kvalificiranim nezaposlenim osobama/aplikantima, po kantonima i mjerama. Nakon navedenog Služba pristupa proceduri pripreme i potpisivanja ugovora sa nezaposlenom osobom/aplikantom.

Nakon završene registracije djelatnosti/društva, nezaposlena osoba/aplikant, se također registrira na portalu Zavoda: www.fzzz.ba u svojstvu pravnog lica/poslodavca. Registracija poslodavca je preduvjet za potpisivanje ugovora o sufinansiranju samozapošljavanja. Prilikom registracije poslodavac unosi tražene podatke iz obrasca registracije. Nakon izvršene registracije, poslodavac na svoju e-mail adresu dobija automatski generiran e-mail koji sadrži link odabirom kojeg poslodavac potvrđuje svoju registraciju. Zavod provjerava ispravnost unesenih podataka, nakon čega poslodavac dobija e-mail kojim se obavještava o uspješnosti svoje registracije, odnosno u slučaju da podaci nisu ispravni, da registracija nije moguća, te da je potrebno ponovo pristupiti registraciji. Rok za registraciju na portalu Zavoda je 60 dana od dana objave Javnog poziva.

Po uspješno okončanoj registraciji, poslodavac ubuduće pristupa web portalu Zavoda koristeći korisničko ime i lozinku koje je sam odredio prilikom registracije.

Kvalificirana nezaposlena osoba/aplikant u svojstvu pravnog lica/poslodavca, treba, radi zaključenja ugovora, Službi dostaviti sljedeću dokumentaciju:

- isprantan i svojeručno potpisan *Obrazac prijave*,
- ovjerenu kopiju rješenja o registraciji djelatnosti/društva, čiji datum je nakon datuma podnošenja prijave na Javni poziv,
- kopiju Uvjerenja o poreznoj registraciji (ID broj),

- Ugovore o radu s nezaposlenim osobama koje zapošljava ili s kojima pokreće djelatnost.

Služba provjerava dostavljenu dokumentaciju, te ukoliko je poslodavac dostavio nepotpunu ili dokumentaciju koja nije odgovarajuća/validna, obavještava istog o eventualnoj potrebi dopune dokumentacije u ostavljenom roku, odnosno o razlozima nepotpisivanja ugovora.

Rok za zaključenje ugovora, od strane svih potpisnika, o sufinansiranju zapošljavanja je 30 dana od dana izvršene registracije na portalu Zavodu.

Za one nezaposlene osobe/aplikante koje su imale status „na čekanju“, a u međuvremenu su prešle na status „odobren“, Zavod će navedenu informaciju učiniti dostupnom istim i Službi. Nakon što je Služba provjerom utvrdila koje su od navedenih nezaposlenih osoba/aplikanata kvalificirane za učešće u Programu, Služba će Zavodu učiniti dostupnom informaciju o kvalificiranim nezaposlenim osobama/aplikantima, po kantonima i mjerama, nakon čega Služba pristupa proceduri pripreme i potpisivanja ugovora sa nezaposlenom osobom/aplikantom. Nezaposlena osoba/aplikant je u obavezi da registira djelatnost/društvo, te da se u svojstvu pravnog lica/poslodavca registira na web portalu Zavoda. Rok za registraciju djelatnosti/društva, kao i za registraciju na web portalu Zavoda je 60 dana od dana objave Javnog poziva.

Rok od 30 dana za zaključenje ugovora od strane svih potpisnika o sufinansiranju zapošljavanja za ovu kategoriju poslodavaca, počinje teći od dana registracije poslodavca na web portalu Zavoda.

12. Pravljanje i isplata odobrenih sredstava

Nakon potpisivanja ugovora, korisnik je u pravilu u obavezi, najdalje do kraja mjeseca za protekli mjesec, putem e-maila Službu obavijestiti o uplaćenim doprinosima za djelatnost te sufinansirane osobe u slučaju registracije društva i/ili zapošljavanja drugih osoba, nakon čega Služba pristupa provjeri istog putem portala Porezne uprave Federacije BiH.

Korisnik je dužan, gore navedene obavijesti, dostavljati Službi putem e-maila kojeg je naznačio u registraciji. Navedena obavijest mora sadržavati sljedeće podatke: naziv korisnika, JIB korisnika, naziv mjere po kojoj je zaključen ugovor o sufinansiranju samozapošljavanja, ime i prezime sufinansirane osobe te JMBG sufinansirane osobe.

Služba, po potrebi, može zatražiti dostavu dodatne dokumentacije od poslodavca kojom se dokazuje ispunjenost uvjeta za isplatu.

Nakon izvršene provjere, Služba obavještava Zavod o ispunjenim uvjetima za isplatu.

Zavod, na osnovu zaprimljene obavijesti od Službe, korisniku isplaćuje/refundira ugovoreni iznos za protekli period.

Ukoliko poslodavac ne ispunjava redovno ugovorne obaveze, Zavod pokreće postupak raskida ugovora, najdalje u roku od 60 dana od dana isteka ugovornih obaveza o čemu obavještava poslodavca i Službu.

13. Opće napomene

Na sve mjere iz ovog programa u pogledu zaključivanja, trajanja i raskida ugovora o radu analogno se primjenjuju sljedeća pravila:

- Poslodavac može zaključiti ugovor o radu i izvršiti prijavu osobe na Poreznu upravu Federacije BiH - obrazac JS 3100 na dan apliciranja na Javni poziv, s tim što će se ugovor o sufinansiranju samozapošljavanja zaključiti samo sa poslodavcima koji ispunjavaju uvjete Programa.

- U slučaju raskida ugovora o radu sa osobom koju zapošljava, poslodavac je u obavezi u roku od 15 dana, za preostali period ugovorne obaveze, zaključiti ugovor o radu sa zamjenskom nezaposlenom osobom iz iste kategorije koja mora biti na evidenciji nezaposlenih najmanje dan ranije u odnosu na dan zaključivanja ugovora o radu. U slučaju raskida ugovora o radu sa osobom koju zapošljava, poslodavac je dužan o istom odmah obavijestiti Službu te odmah po eventualno zaključenom ugovoru o radu sa zamjenskom osobom dostaviti isti Službi. Na osnovu navedenog, Služba provjerava na portalu Porezne uprave Federacije BiH da li je poslodavac odjavio osobu s kojom je raskinut ugovor o radu te da li je prijavio zamjensku osobu na obavezna osiguranja u Poreznoj upravi Federacije BiH. Ukoliko je provjerom utvrđeno da poslodavac navedeno nije izvršio ili dostavljena dokumentacija ne bude validna, postupit će se po odredbama Programa, kao u slučaju da poslodavac nije zaposlio zamjensku osobu. Poslodavcu je tokom trajanja ugovora o sufinansiranju dozvoljeno da zaposli najviše jednu (1) zamjensku osobu po svakoj sufinansiranoj osobi.
- U slučaju da poslodavac nije zaključio ugovor o radu sa zamjenskom nezaposlenom osobom obračunat i refundirat će se do tada opravdani iznos sredstava za osobu s kojom je raskinut ugovor o radu. Za eventualno ostale sufinansirane osobe koje nastavljaju svoj radni odnos kod poslodavca, nastavit će se postupanje u skladu sa zaključenim ugovorom o sufinansiranju.
- U slučaju nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili koristi porodiljsko odsustvo, sufinansiranje zapošljavanja se obustavlja za taj period. U slučaju povratka na rad osobe po prestanku predmetnih okolnosti, poslodavac za preostali period ima pravo nastaviti koristiti prava određena Programom i ciljom mjere iz ugovora o sufinansiranju zapošljavanja. Služba je u obavezi evidentirati navedene slučajeve te o istom blagovremeno obavijestiti Zavod.
- U slučaju mijenjanja finansijske vrijednosti ugovora, radi efikasnosti i ekonomičnosti realizacije Programa, poslodavac je obavezan e-mailom obavijestiti Službu o nastalim promjenama što ugovorne strane prihvaćaju bez posebnih aneksa ugovoru.
- Svi aplikanti, sudjelovanjem u Programu, pristaju da Zavod obrađuje njihove lične/osobne podatke u svrhu provođenja Programa, te da se njihovi podaci koji se odnose na ime i prezime fizičke osobe mogu objaviti na web portalu Zavoda: www.fzzz.ba, u svrhu informiranja javnosti o prijavama na javni poziv te radi transparentnosti provođenja Programa.

14. Kontrola i praćenje izvršenja ugovornih obaveza

Zavod i Služba će kontinuirano pratiti realizaciju ugovornih obaveza korisnika, i to:

- provjerom podataka na portalu Porezne uprave Federacije BiH,
- provjerom dokumentacije potrebne za zaključivanje ugovora o sufinansiranju samozapošljavanja,
- kontrolom provođenja ugovorenih obaveza neposredno kod Službe i/ili poslodavca na bazi uzorka.

Ukoliko se praćenjem realizacije ugovorenih obaveza korisnika utvrdi da ih poslodavac ne ispunjava, pokrenut će se postupak raskida ugovora.

15. Indikatori za praćenje realizacije (monitoring) i ocjenu uspješnosti efekata mjera (evaluaciju)

Izveštaj o realizaciji Programa - monitoringu će se izrađivati u skladu s Planom monitoringa. Izveštaj o evaluaciji Programa će sadržavati sljedeće podatke:

- a) Ulazni podaci:
- Osnovni pokazatelji kretanja na tržištu rada,
 - Kratak opis Programa (uvjeti Programa, ciljna grupa, korisnici, visina subvencije, period trajanja subvencije, elementi Javnog poziva),
 - Broj osoba na evidenciji nezaposlenih (po kantonima/županijama, spolu, dobi, obrazovnoj strukturi i dr.), stanje 31.12.2021. godine,
 - Iznos ukupno planiranih sredstava po kantonima/županijama i mjerama Programa.
- b) Podaci o aktivnostima – izlazni podaci:
- Aktivnosti vezane za Javni poziv (objava, provjera prijava, zaključivanje ugovora i dr.),
 - Broj zaključenih ugovora s aplikantima,
 - Struktura novoregistriranih djelatnosti (osnovna obilježja),
 - Broj osoba koje su registrovale djelatnost po mjerama (po strukturnim obilježjima),
 - Broj osoba koje su zaposlene u okviru novoregistriranih djelatnosti,
 - Ukupna vrijednost zaključenih ugovora po mjerama (planirano, ugovoreno, utrošeno),
 - Prosječan iznos poticaja/intervencije po osobi po mjerama.
- c) Podaci o učincima mjera iz Programa
- Broj osoba obuhvaćenih mjerama iz Programa koje su zadržale registriranu djelatnost/ ostale zaposlene šest (6), odnosno 12 mjeseci nakon isteka ugovorenog perioda sufinansiranja zapošljavanja (po strukturnim obilježjima),
 - Prosječan trošak po zapošljavanju - Cost per job,
 - Nivo izvršenja postavljenih ciljeva.

Ispitivanje zadovoljstva korisnika i mjerenje učinaka kroz anketiranje će se izvršiti u skladu s mogućnostima.

Izvor podataka o realizaciji mjera aktivne politike zapošljavanja i sredstva verifikacije rezultata i mjerenja učinaka su:

- evidencija korisnika poticaja i izvještaji iz Modula za realizaciju aktivnih politika zapošljavanja u sklopu Jedinstvenog informacionog sistema Federalnog zavoda za zapošljavanje,
- podaci iz portala Porezne uprave Federacije BiH,
- anketa korisnika poticaja,
- ostala pomoćna sredstva i izvori podataka.